

Superinfo

29.9.2016. / broj 176



13.
Rodendan
cm
COSMETIC MARKET

Puno je razloga za slavlje...



OPĆA MEDICINA



PROSVJETARI ZABRINUTI
ZA SVOJA PRAVA



PROMOCIJE OČNOG
ZDRAVLJA „E“



IVO IŠTUK,
NOVI TRENER ČELIKA

Advan Akeljić, načelnik Općine Vitez

SITUACIJA JE MNOGO BOLJA NEGO PRIJE ČETIRI GODINE !

Advan Akeljić, načelnik Općine Vitez na početku razgovora za Superinfo ističe kako su protekle četiri godine riješeni značajni problemi i realizovani značajni infrastrukturni projekti na području Viteza. Situaciju u općini ocjenjuje „mnogo boljom“ nego prije četiri godine kada je preuzeo funkciju načelnika.

Superinfo Situacija 2012.godine kada ste bili na početku mandata i danas. Da li ste ispunili planirano?

Akeljić: Ako pođemo samo od činjenice da je bio veliki broj spornih potraživanja i dugovanja, da su se građani redovno okupljali pred općinom tražeći svoja građanska i radnička prava, dakle zbog nagomilanih problema u proteklih 20 godina, mogu konstatovati da je sadašnja situacija mnogo bolja. Već dvije godine vodosnabdijevanje je stabilizovano bez redukcija, a istovremeno gradski vodovod je proširen za oko 1.000 novih korisnika, gradska čistoća je na višem nivou, grad nije zatpan smećem, komunalni otpad se prikuplja i po selima, gradski stadion je renoviran, gradska pijaca također, javna rasvjeta kako u gradu, tako i po ruralnim područjima.

Superinfo Kakav je bio odnos prema poslodavcima i građanima?

Akeljić: U protekle četiri godine, moj pristup prema poslodavcima i prema infrastrukturnim projektima bio je srazmjeran mogućnostima i



strateški opredijeljen prema interesima običnog čovjeka i svih građana. Bili smo usmjereni unapređenju osnovnih životnih potreba kao što su voda i rješavanje komunalnog otpada. U odnosu na 2012. godinu budžet općine Vitez je stabilizovan, saniran je deficit, a istovremeno je budžet povećan za oko 15 posto.

Superinfo Šta je prioritet u predstojećem mandatu?

Akeljić: Najveći problem u općini Vitez je nepostojanje gradskog grijanja. Taj problem je prioritet djelovanja u narednom mandatu ukoliko ga osvojim. U narednom periodu provest ćemo značajne aktivnosti na projektu Centra za upravljanje komunalnim otpadom, a jedan od pozitivnih efekata funkcionisanja tog centra bilo bi upravo rješavanje daljinskog grijanja u gradu. U općini Vitez je u narednom periodu potrebno nastaviti sa rekonstrukcijom vodovodnog sistema, širenje mreže, zatim sistematsko rješavanje problema kanalizacije kako u urbanom tako i u ruralnom području.

Superinfo U čemu su razvojne perspektive općine Vitez?

Akeljić: Posjete Vitezu kao trgovачkom centru trebaju nam biti signal da su nedovoljno iskorišteni potencijali za ljetni turizam i planine u samoj blizini grada sa planinarskim domovima i vikend naseljima kao što su Zabrdje i Zaselje. Vitez ima izuzetan potencijal za ljetni i zimski turizam, pa je u fokusu pažnje i ovog mandata bilo upravo stvaranje predpostavki za kvalitetno iskorištavanje područja planine Kruščice i svih njenih resursa. Usvojen je i Prostorni plan posebnog obilježja zaštićenog pejzaža planine Kruščica koji predstavlja osnovu za stavljanje u funkciju turističkih i industrijskih potencijala.



NOVI MENADŽMENT U ZAVODU ZA OVISNOSTI

Odlukom Upravnog odbora JZU Kantonalnog zavoda za bolesti ovisnosti Zeničko-dobojskog kantona, zbog odlaska ranijeg direktora Jasmina Softića na rad u inostranstvo, za vršioca dužnosti direktora Zavoda imenovan je dr. Samir Kasper, specijalista neuropsihijatar, načelnik Službe za ambulantni i hospitalni tretman. Dr. Kasper je rođen 1968. Završio Medicinski fakultet i specijalizaciju u Sarejevu. Prije rada u Zavodu za bolesti ovisnosti radio u Centru za mentalno

zdravlje Zenica na poslovima ljekara neuropsihijatra, a u sklopu istog Centra vodio metadonsku ambulantu. Skoro godinu i po dana na volonterskoj osnovi je bio angažovan na različitim aktivnostima koje su prethodile osnivanju Zavoda, kroz različita istraživanja i proceduralne aktivnosti. U Zavodu je obavljao različite dužnosti, od ljekara u ambulanti, šefa odjeljenja za stacionarni bolnički tretman i načelnika Službe za ambulantni i hospitalni tretman.



**SAMOSTALNI SINDIKAT OSNOVNOG
OBRAZOVANJA I ODGOJA
BOSNE I HERCEGOVINE**

**U povodu 5. oktobra, Svjetskog dana učitelja,
upućujemo najiskrenije čestitke. Vaš rad i entuzijazam u
obrazovanju i odgoju djece zaslužuje iskreno poštovanje i divljenje.
Želimo Vam da uspješno nastavite važnu misiju obrazovanja i odgoja
mladih.**

**Zahvaljujemo Vam na predanosti i trudu
koji svakodnevno ulaze u svoj posao i sretan Vam Dan učitelja!**

**Selvedin Šatorović
Predsjednik SSOOiO BiH**

SASTANAK S PREDSTAVNICIMA SAVEZA GLUHIH I NAGLUHIH U ZDK

Ministar Nurđehan Šahinović je u prostorijama Ministarstva za rad, socijalnu politiku i izbjeglice Zeničko-dobojskog kantona održao je sastanak sa predstavnicima udruženja Saveza gluhih i nagluhih osoba ZDK, udruženja gluhih i nagluhih osoba grada Zenice i općina: Kakanj, Zepče i Zavidovići, te Sulejman Čaković, sekretar Saveza udruženja gluhih i nagluhih osoba Federacije BiH. Sastanak je održan s ciljem jačanja međusobne saradnje udruženja, bolje zaštite gluhih i nagluhih osoba i obilježavanja Međunarodnog dana gluhih i nagluhih osoba u Kantonu. U tom smislu, ministar Šahinović je istakao da će resorno Ministarstvo i Vlada ZDK podržati obilježavanje Međunarodnog dana gluhih i nagluhih osoba, kao i druge aktivnosti udruženja na unapređenju položaja gluhih i nagluhih osoba.



VLADA ZDK

Vlada Zeničko-dobojskog kantona je na prijedlog Ministarstva za rad, socijalnu politiku i izbjeglice, odobrila Općinskom udruženju logoraša Kakanj sredstva kao podršku izgradnji spomen obilježja u Poljanima. Također su odobrena sredstva i Udruženju gluhih i nagluhih ZDK, kao podrška

OPĆA MEDICINA



Na Medicinskom fakultetu Univerziteta u Zenici od oktobra kreće studijski program Opća medicina. Radi se o integriranom studiju koji traje šest godina. Kapacitet je 40 redovnih (koje finansira Vlada ZDK) i 20 samofinansirajućih studenata. - Univerzitet je za jedanaest godina rada ostvario velike rezultate. Realizirali smo najveći projekat koji je vezan za visoko školstvo i značaj društva ZDK-a odnopsno čitave države, donošenjem odluke kantonalne Skupštine o formiranju Medicinskog fakulteta mijenjajući raniji naziv Zdravstveni fakultet i formirajući studijski program Opće medicine. Ideja o formiranju Medicinskog fakulteta u Zenici je bila još iz rata kad smo imali istureno odjeljenje Medicinskog fakulteta Univerziteta u Tuzli, kazao je Dževad Zečić, rektor UNZE. On je objasnio da je komisija koja je na izradi elaboratu na čelu sa dr. Belmom Pojskić bila uporna i radili godinama na ovome. U posljednjih godinu dana se uspjelo sve provesti, a u aprilu je Skupština donijela jednoglasno odluku o promjeni i formiranju studijskog programa Opće medicine. Premijer ZDK Miralem Galijašević je istakao da je opredjeljenje Vlade da se formira ovaj odsjek uz želju da sto implicira i transformaciju Kantonalne bolnice. Ministar Mensur Sinanović je naglasio

da su sve pravne radnje koje su morale biti ispoštovane, urađene u normalnom roku. - Zahvaljujući prvenstveno premijeru i Vladi ZDK i njihovom velikom razumijevanju, uspjeli smo da stvorimo sve preduvjete za početak rada Medicinskog fakulteta početkom ove akademске godine. Interes za ovaj fakultet je iznad očekivanja mene i mojih kolega. Imamo prijavljenih kandidata iz ZDK, Srednjebosanskog, Sarajevskog i Tuzlanskog kantona te dva kandidata van naše zemlje. Bolnica posjeduje kapacitete za održavanje vježbi, jake službe, jake doktore. Siguran sam da ZDK može napraviti kadrove koji će biti prepoznatljivi u našoj zemlji i regiji, rekao je dr. Salih Tandir, dekan Medicinskog fakulteta u Zenici. İlhan Bušatić, dekan Fakulteta za metalurgiju i materijale UNZE je istakao da je ovaj fakultet ustupio svoje prostorije Medicinskom fakultetu. Smješteni su u ovoj zgradi i Dekanat, sekretar fakulteta, kancelarije za stalno uposlene nastavnike i saradnike, studentska služba, biblioteka, a omogućeno je korištenje određenog broja učionica kao i velikog amfiteatra, dva informatička kabineta, laboratorije za hemiju i fiziku... Harun Hodžić, zamjenik direktora Kantonalne bolnice Zenica, je naglasio da je formiranjem Medicinskog fakulteta na dobitku cijela država.

za obilježavanje Međunarodnog dana gluhih i nagluhih 2016. godine. Na prijedlog Ministarstva za rad, socijalnu politiku i izbjeglice, Vlada je dala saglasnost na Program obilježavanja „Dječije nedjelje“ u Zeničko-dobojskom kantonu za 2016. godinu i ujedno donijela Odluku o odobravanju sredstava u iznosu od 100.000 KM za finansiranje i sfinansiranje 33 odabrana projekta za obilježavanja

„Dječije nedjelje“ u ZDK za 2016. godinu.





ODRŽAN DRUGI KAMP ZA DJECU OBOLJELU OD DIJABETESA

Savez udruženja dijabetičara ZDK organizirao je Drugi dijabetes dječji kamp, koji je održan u Zaostrogu u Hrvatskoj. Na kampu je učestvovalo 30 djece i njihovih roditelja, te radni tim ljekara i medicinskog osoblja, psihijatara, psihologa, profesora sporta i tjelesnog odgoja. Mališane je pratilo osoblje Službe za dječije bolesti Kantonalne bolnice Zenica i Centra za mentalno zdravlje Doma zdravlja Zenica (psihijatrica prim. dr. Halima Hadžikapetanović i psiholog mr.sc. Tajib Babić), koji su održali i niz stručnih predavanja i radionica. Djeca su najveći dio slobodnog vremena provodili sa profesorima sporta Erminom Zukićem i Adnanom Zaimovićem uz igre na sportskom poligonu i vodi, a Neven Misavljević održao je zanimljivu strip radionicu. Ibrahim Delibašić i Haris Delić, predsjednik i generalni sekretar Saveza udruženja dijabetičara ZDK, zahvalili su se svima koji su na bilo koji način

pomogli održavanje kampa, naglasivši potrebu čvršćeg uvezivanja udruženja i organizacija kao načina za efikasniju komunikaciju s zdravstvenim vlastima. Stoga će se u narednom periodu raditi na realizaciji inicijative za formiranje dijabetes asocijacije za područje Jugoistočne Evrope. Kamp je organiziran u saradnji sa Federalnim ministarstvom rada i socijalne politike, a realizaciju trodnevног druženja na Jadranu pomogli su Institut za zdravlje i sigurnost hrane Zenica, Ministarstvo zdravstva ZDK, Zavod zdravstvenog osiguranja ZDK te veleodržerija Salvus BH.



SAGLASNOST ZA UPIS STUDENATA



Vlada ZDK je na prijedlog Ministarstva za obrazovanje, nauku, kulturu i sport donijela Zaključak davanju saglasnosti na Plan upisa studenata u prvu godinu drugog ciklusa studija na studijskim programima Lokalni ekonomski razvoj i politika i Poslovne i javne finsije na Ekonomskom fakultetu Univerziteta u Zenici u akademskoj 2016./2017. godini, i to 30 studenata na studijskom programu Lokalni ekonomski razvoj (10 studenata finsira osnivač i 20 samofinansirajući) i 30 studenta na studijskom programu Poslovne i javne finsije (10 studenata finsira osnivač i 20 samofinansirajući).

POSJETA USTANOVAMA SOCIJALNE ZAŠTITE



S ciljem realizacije Programa obilježavanja Dana Zeničko-dobojskog kantona, predstavnici Ministarstva za rad, socijalnu politiku i izbjeglice su posjetili ustanove socijalne zaštite na

području ovog kantona, i to: Poslovne jedinice javne ustanove Centar za djecu i odrasle osobe s posebnim potrebama ZDK Dnevni centar u općinama Tešanj i Visoko, te ustanovu „Mala škola“ u



općini Vareš. Tokom posjete razgovarano je sa odgovornim osobama ustanova i izvršena je posjeta korisnika ovih ustanova. Sem predstavnika Ministarstva, posjetama su prisustvovali i direktori općinskih centara za socijalni rad. Takođe je izvršena posjeta raseljenim licima koja su smještena u zgradama u Radakovu i Crkvicama, i tom prilikom uručeni su simbolični paketi.

KONCESIJE U OPĆINAMA FOJNICA I VITEZ



Vlada Srednjobosanskog kantona usvojila je odluke o pokretanju postupka za dodjelu koncesije za istraživanje i eksploataciju mineralne sirovine mermerisanog krečnjaka na lokalitetu "Dusina-Pogorelica" u općini Fojnica. Na prijedlog Ministarstva privrede koncesija je dodjeljena firmi „W-Stone“ doo iz Sarajeva. Na prijedlog ministarstva poljoprivrede, vodoprivrede i šumarstva donesena je odluke o pokretanju postupka za dodjelu koncesije za korištenje sanitarne i tehnološke vode, te za istražne radove, eksploataciju, prerađu, flaširanje i prodaju na tržištu prirodne vode iz zatvorenog izvorišta na lokaciji PC - 96, na području općine Vitez, a koncesiju je dobila firma „Ovnak“ iz Viteza.

BUDŽET POVEĆAN ZA 13,1 MILION KM

Skupština Srednjobosanskog kantona na posljednjem zasjedanju u Travniku prihvatiла је rebalans Budžeta Srednjobosanskog kantona. Rebalansom je budžet uvećan za 13.145.000 konvertibilnih maraka. Od ovog iznosa 12 miliona su sredstva od kredita, a 1.145.000 KM je iznos uvećanih sredstava od indirektnih poreza.

-Mi smo morali izvršiti rebalans budžeta zbog kreditnog zaduženja. Osim toga imali smo potrebu i za kapitalnim izdacima u školama. Prošle godine smo izdvajili mala sredstva za te svrhe, ali zbog boljeg punjenja b udžeta povećali smo i ta sredstva. Prihodi su povećani i zbog dobrog punjenja budžeta. Mi imamo bolje punjenje budžeta i u prvoj polovini godine iznosilo je malo manje od 100 posto, a u sedmom i osmom mjesecu iznosilo je 105 posto.- izjavio je ministar finasija SBK, Zoran Marković.

Zastupnici u Skupštini Srednjobosanskog kantona podržali su odluke o tri kreditna aranžmana koja je predložila Vlada Srednjobosanskog kantona u ukupnom iznosu od 12 miliona KM. Kod Intesa Sanpaolo Banka d.d. BiH, SBK će se zadužiti 6 miliona KM, a sredstva će se korisiti za isplate po vansudskim nagodbama o podmirenju obaveza iz izvršnih sudskih presuda, zaposlenicima u školstvu, unutarnjim poslovima, pravosudnim institucijama i naknade odvjetničkim kućama.



U istu svrhu ovaj kanton će se zadužiti kod UniCredit banke d.d. Mostar kroz dva kreditna aranžamana, jedan u iznosu od 4 miliona KM i drugi u iznosu od 2 miliona KM.

ODLUKE BEZ RASPRAVE

Odluke o kreditnom zaduženju u Skupštini Srednjobosanskog kantona prošle su bez rasprave. To je prokomentarisao nakon sjednice i ministar finansija Zoran Marković. Svi mi imamo nekog ko će se naplatiti iz tih sredstava, od članova porodice do rođaka i susjeda, kazao je ministar Marković pojasnivši da će kreditnim zaduženjem od dvanaest miliona KM značajno biti smanjen deficit jer će Vlada SBK iznosom od devet miliona „kupiti“ duplo veća potraživanja po onovu pravosnažnih sudske presude. Naime, većina zaposlenih u budžetskim institucijama koji su imali ovu vrstu potraživanja prostali su na isplatu 30 posto od glavnice.

VIŠE HILJADA VJERNIKA OBILJEŽILO BLAGDAN MALE GOSPE

U svetištu Gospino vrilo nadomak Travnika i ove godine je na hiljade vjernika iz BiH i drugih krajeva svijeta tradicionalno proslavilo blagdan Male Gospe. U ovom svetištu koje pripada Župi Svetog Mihovila – Ovcarevo i nosi naziv Gospino vrilo ovaj blagdan se godinama na poseban način obilježava uz prisustvo hiljada vjernika. Mala Gospa je dan rođenja Blažene Djevice Marije, a slavi se 8. septembra svake godine.

Ove godine su slavljene trodnevnice koje je predvodio tajnik provincije Bosne Srebrenje fra Damir Pavić. Centralno misno slavlje, na sam blagdan Male Gospe, predvodio je fra Zoran Livančić, župnik travničke župe Gornji Dolac. I ove godine Travnik su posjetile hiljade vernika



iz svih krajeva svijeta.

Inače, Gospino vrilo nadomak Travnika izvor je ispod šumovitog brežuljka, gdje su mještani i prolaznici decenijama tražili i nalazili tjelesnu, ali i duhovnu okrjepu, vjerujući u nadprirodnu moć ovoga mjesta i izvora hladne pitke vode.

Tako je potekla inicijativa za gradnju veće crkve, što je 1989. i počelo. Prije nekoliko godina na radost vjernika crkva je završena, a posvećena je blaženoj Gospici. Mala Gospa donosi jesen pa se u narodu kaže "Gospa Mala – jesen prava!"

SEKCIJA UGOSTITELJA

U Zenici je održan sastanak Sekcije ugostiteljske djelatnosti Udruženja poslodavaca Zenica. Na sastanku je predstavljen Projekat "Zenica – siguran i otvoren grad" koji treba da se nađe u revidiranoj Strategiji razvoja Grada Zenica. Ovaj projekat će osigurati Zenici epitet turističkog i ugostiteljskog centra, ne samo ZDK, nego i regije Centralna Bosna. Kroz ovaj projekat će se obogatiti ponuda Zenice u oblasti ugostiteljstva i povećati broj uposlenih u ovoj djelatnosti za nekoliko stotina novouposlenih radnika. Preduslovi za uspješnu implementaciju ovog Projekta su saradnja sa gradskim vlastima i Ministarstvom unutrašnjih poslova ZDK kada je u pitanju produženje radnog vremena za ugostitelje u Zenici i stvaranje sigurnosnih uslova kako bi se i građani Zenice i gosti koji dolaze u Zenicu osjećali sigurno. Problemi sa kojima se susreće ugostiteljstvo moraju



biti riješeni sistemski i institucionalno. S tim u vezi, pozdravljen je rad Privrednog savjeta Grada Zenica. Privredni savjet Grada Zenica broji 15 članova od kojih je sedam privrednika, članova Udruženja poslodavaca Zenica, uključujući i Predsjednika Sekcije ugostitelja. Ugostitelji smatraju da je upravo Privredni savjet Grada mjesto gdje će se institucionalno i sistemski rješavati problemi ugostiteljstva na nivou Grada. Na sastanku su delegerane konkretnе teme za naredni sastanak Privrednog savjeta Grada.

SAJAM ŽENSKOG PODUZETNIŠTVA



U organizaciji Komisije za ravnopravnost spolova Grada Zenice nedavno je održan Prvi sajam ženskog poduzetništva pod nazivom Đerdan. Sajam ima za cilj promociju žene - da kroz njihove male biznise upoznamo snažne, konkretnе, poduzetne žene koje su majke, supruge, domaćice. Cilj je i jačanje, promocija i poboljšanje poduzetništva kod žena koje doprinose enonomskom razvoju ili ekonomskoj stabilnosti svog domaćinstva. Sajam ŽP Đerdan okupio je 17 žena i udruženja koji su se predstavili sa svojim radovima i proizvodima: UŽ Lastavica, UŽ Vrandučka ašlama, Medica, UŽ Nemila, Aida Hodžić-Pašalić, Amira Hrustić i Lamija Šišić-Hodžić, Fahira Čevro, Sekcija za ručne radove BZK Preporod Zenica, Indira Fejzić,



Abakus, Amna Sofić, Sajira Poljo, Šems Gačić, Asocijacija Fatma i Centar Educo Zenica. Prema riječima Amne Sofić, predsjednice Komisije za ravnopravnost spolova pri GV Zenica je kazala da su sajam nazvali Đerdan, što je oglica od bobaka, "a svaka od nas na sajmu čini po jedan bobak, pa spojene zajedno činimo jedan đerdan, jedno jedinstvo, jednu cjelinu", te da su na ovaj način željele reći da su povezane.

PAKETIĆI ZA ŠTIĆENIKE DOM-PORODICA



Članovi sportsko-rekreativnog kluba Tvrđava Zenica posjetili su štićenike Doma za nezbrinutu djecu Dom-porodica Zenica, te drugu godinu zaredom organizovali humanitarnu akciju podjele bajramskih paketića. Pomenuta akcija osmišljena je, realizirana i finansirana isključivo od članova i simpatizera Kluba, a kupljeno je i upakovano 85 paketića. - Sama akcija je humanitarnog karaktera i ima za cilj unošenje bajramske radosti u život ovih mališana, ali i širenje jedne pozitivne poruke i energije u naše društvo, što je ujedno i naša misija po planu i programu rada kluba. Sam klub se uglavnom bavi airsoftom, ali se paralelno bavi i humanitarnim radom i radom na širenju općeg dobra, moralu i društveno korisnim aktivnostima. Tako smo dosad organizovali nekoliko humanitarnih akcija u kojima su učestvovali airsoft klubovi iz cijele BiH, pa čak i iz susjedne Hrvatske, odazivali smo se na svaku humanitarnu akciju na koju smo bili pozvani, učestvovali smo u akcijama darivanja krvi više puta, u akcijama čišćenja izletišta Smetova i Zmajevca i sličnim akcijama, kazao je Dženis Imširović, predsjednik kluba Tvrđava. On je objasnio da je jedan od razloga ovogodišnjeg bajramskog druženja, komunikacija sa mlađom generacijom, kao i želja da se mlađim ljudima pruži pozitivan i dobar primjer u vremenu kada smo najviše okruženi lošim i negativnim dešavanjima, kriminalom, nemoralom, pohlepom, sivilom i pesimizmom, te da "damo našem društvu nešto dobro, a ujedno da se zabavimo, da uživamo i da zdravo živimo".

MARKETI | SUPERMARKETI | MESNICE

BUBA
commerce



JURČEVIĆ
DOMAĆIN DOBROG OKUSA

Pratite naše vikend akcije suježeg mesa!

Poslovni Centar 96 | 72250 Vitez | BiH | 030/714-209

Suježe mesa svaki dan sa vlastite farme!

**Svaki dan svježa
peciva iz naše pekare!**

BUBA
commerce

INFO 030/714-209

RENTACAR



Poslovni Centar 96 | 72250 Vitez | BiH
www.rentacar-buba.ba

Auto kuća BUBA
INFO 030/709-019



POSLODAVCI S PREMIJEROM



Reformska agenda s posebnim osvrtom na poresku reformu u cilju rasterećenja poslodavaca, bila je tema jučerašnjeg sastanka predstavnika Udruženja poslodavaca Federacije BiH sa federalnim premijerom Fadilom Novalićem, koji je održan u prostorijama kompanije ArcelorMittal u Zenici. Sastanak je organizovan u cilju pronalska rješenja za rasterećenje privrede i poboljšanje poslovnog ambijenta. Adnan Smailbegović, predsjednik UO Udruženja poslodavaca FBiH, je rekao da je bitno je da su poslodavci sjeli sa premijerom, te da im je on prezentirao u kom smjeru to ide, tj. kako Vlada razmišlja, pa će i oni moći sada zauzeti neke stavove. Ismet Begić iz zeničke kompanije Almy pohvalio je federalnog premijera uz objašnjenje da imaju partnera za saradnju.

- Evo, i sami pokazatelji na zapošljavanju pokazuju da ima pomaka. Novalić je došao iz privrede i dobro razumije privrednu. Ja sam ga pitao na sastanku da li smo stvarno krenuli pravim putem.

JAMA RASPOTOČJE

Predstavnici Rudnika Mrkog uglja Zenica i poljsko-njemačke korporacije Becker Warkop potpisali su ugovor o isporuci opreme za široko čelo jame Raspotočje. Opremu u vrijednosti 19,7 miliona KM ova korporacija bi trebala isporučiti u narednih 12 mjeseci, a svi se nadaju da će taj rok biti i kraći. Nakon 30 godina ovo je najveća investicija u RMU Zenica. Pored mnogo humanijih uslova rada, sa novom opremom rudnik će u značajnijoj mjeri podići proizvodni proces.

- Potpisivanje ovog ugovora ima višestruk značaj. Međutim, ja ču istaći tri stvari. Jedna je sigurnost u radu, druga je kontinuitet proizvodnje i treća stvar je povećanje proizvodnje. Naravno, nama se najviše sviđa ova prva, odnosno sigurnost u radu, kazao je direktor RMU Zenica Nisvet Topalović.

Meni se čini da jesmo. Meni kao poslodavcu,isto što sam imao olakšicu kada je iveden PDV i kada sam se rasteretio velikih problema, tako i sada mislim da olakšice dolaze. Jedna od ključnih stavki Reformske agende u BiH su i nužne poreske reforme, odnosno izmjene politika u poreskim opterećenjima rada. Poreska reforma predviđa da će naknade koje nemaju karakter plaće, poput toplog obroka, regresa, naknade za prijevoz, jubilarne nagrade, biti ugrađene u poresku osnovu. Na nedavno održanoj sjednici Ekonomsko-socijalnog vijeća FBiH razmatrane su izmjene i dopune dva zakona - o dohotku i doprinosima. Vlada Federacije BiH je u Pravilniku predložila oporezivanje toplih obroka iznad 8,5 KM i uvođenje novih pravila u oporezivanju regresa. Poslodavci zahtijevaju da se izmjenama reguliše da se onima s nižim plaćama smanji stopa oporezivosti na dohodak, a onima s višim primanjima da se poveća kako bi se napravio balans.



Potpisanim ugovorom predviđena je nabavka širokog čela za jamu Raspotočje. Radi se o samohodnoj hidrauličnoj podgradbi koja stoji iznad radnika, štiti ga, a ujedno reže masu koja se nalazi ispred nje. Zatim ta masa pada u grabuljar i izvlači se na stranu i tako se podgrada pomjera naprijed prilikom rezanja uglja, te otvara nove jamske metre. Prema očekivanjima nabavka ove opreme podići će proizvodne rezultate rudnika Zenica za 20.000 do 50.000 tona uglja.

POTPISAN UGOVOR ZA NABAVKU DONJE ŠINE



U Rudniku mrkog uglja Kakanj potpisani je Ugovor o nabavci Transportnog sistema, dizel lokomotive sa donjom šinom za dužinu transporta od 1500 metara, javlja portal Kakanj Live. Riječ je o sistemu za transport rudarske mehanizacije i ljudi u podzemnoj eksploataciji uglja. Ukupna cijena sistema je 2,73 miliona KM. Potpisivanju ugovora su prisustvovali načelnik Općine Kakanj Nermin Mandra, direktor Termoelektrane Kakanj Enver Merdić, članovi Uprave kakanjskog Rudnika, predsjednik samostalnog sindikata rudara Federacije BiH Sinan Husić, predsjednik sindikata Rudnika Kakanj Enver Čaluk. Ugovor su u ime JP EP BiH d.d. Sarajevo ZD RMU Kakanj d.o.o. Kakanj potpisali direktora Rudnika Kasim Alajbegović i izvršni direktor za ekonomski poslove Ibrahim Fazlić. U ime isporučioca opreme firme Becker- Warkop Sp. z.o.o. (Poljska) ugovor je potpisao predsjednik Uprave Budniok, Tomasz Wojciech.

ASFALTIRAN PUT



Završeni su radovi na asfaltiranju jedne dionice puta koji vodi od ulice Omera Maslića prema greblji "Vrtle" u dužini od 140 m. Radove je finansirala Općina Kakanj.

OTVOREN LIFT ZA OSOBE SA INVALIDITETOM U BNP ZENICA



U Bosanskom narodnom pozorištu Zenica pušten je u rad lift i pomoćne prostorije namijenjene osobama sa invaliditetom. Zahvaljujući saradnji sa partnerima i pokroviteljima, uspješno je uklonjena višedecenijska barijera, koja je tom dijelu publike zeničkog teatra onemogućavala pristup u zgradu Pozorišta i pozorišne dvorane. JU BNP Zenica i Udruženje paraplegičara i oboljelih od dječje paralize Zenica su u saradnji sa Udruženjem ratnih vojnih invalida i paraplegičara ZDK, kao partnerom projekta, realizirali projekat finasiran budžetskim sredstvima Zeničko-dobojskog kantona i Grada Zenice, uz podršku Helsinskih parlamenta građana i projekta Europske Unije pod nazivom „Zenica - grad kulture za sve“, koji je za cilj imao konačno rješavanje pitanja omogućavanja pristupačnosti zgradi BNP Zenica osobama sa invaliditetom. Zvaničnom otvaranju lifta su pored općinskih i kantonalnih zvaničnika i predstavnika medija prisustvovali Miralem Galijašević, premijer ZDK, kao i Harun Aliefendić, predsjednik Udruženja paraplegičara i osoba oboljelih od dječje paralize, koji su svečano otvorili lift namjenjen osobama sa invaliditetom. Direktor Bosanskog narodnog pozorišta Zenica Hazim Begagić je izrazio zadovoljstvo povodom ovog značajnog događaja, te ukazao na važnost omogućavanja pristupa pozorišnim događajima svim posjetiteljima. Također, istakao je na važnost očuvanja zgrade Pozorišta, koja se danas nalazi u prilično lošem stanju, kao i o potrebi opsežnije rekonstrukcije.

DANI ORGANSKE PROIZVODNJE ZENICA 2016

U organizaciji Saveza udruženja organskih proizvođača Federacije BiH na glavnom gradskom trgu u Zenici održana je manifestacija Dani organske proizvodnje Zenica 2016. Na manifestaciji se predstavilo 27 proizvođača od kojih je 16 iz oblasti organske proizvodnje

sa prostora Federacije BiH, koji su izlagali svoje proizvode: ljekobilje, med, voće, povrće, mlijecne proizvode, džemove, sirupe, sokove i slično. - Bila je ovo deseta jubilarna manifestacija Dana organske proizvodnje u Zenici. Sa ciljem da pomognemo poljoprivrednom sektoru da se uključi u organsku proizvodnju i u konačnici da ispunimo uslove u priključenju Bosne i Hercegovine u Evropsku uniju, Savez se pojavljuje kao organizator sajma. Jedan od uslova za priključenje jeste da imamo tri posto površina po sektorima organske proizvodnje. Naravno i vlasti trebaju ispuniti svoju obavezu da daju sektoru organske proizvodnje deset posto poticajnih sredstava od ukupnih poticaja za poljoprivredu.



To bi svakako ubrzalo razvoj organske poljoprivredne proizvodnje, standardizaciju, povećanje površina, povećanje proizvoda, a sveukupno bi popravilo budžet BiH, kazao je Sejad Herceg, predsjednik Saveza udruženja organskih proizvođača FBiH. Edina Konjić, vlasnica zeničke Eko Etne je objasnila da je ova firma najviše bazirana proizvodnjom stevije, prirodnog zasladičivača, koji je 40 puta slada od šećera. - Stevija smanjuje šećer, smanjuje pritisak, masnoće, pomaže probavi i poboljšava imunitet. Od ostalih proizvoda proizvodimo sa sterijom ledeni čaj i domaće čajeve, domaće džemove, pekmeze, rekla je Edina Konjić dodavši da su zadovoljni sajmom.

HUMANITARNE AKCIJE

Predstavnici Zelenog polujeseca ZDK najmlađim pacijentima u Kantonalnoj bolnici Zenica podijelili su više od stotinu bajramskih paketića. Prema riječima Ibrahima Hadžimuhovića, direktora ZP ZDK, akcija koja traje više od dvije decenije realizovana je u okviru projekta "Djeci u pohode", a s ciljem da s djecom podigne ljestvu riječ, uručiti im poklon i podariti im makar jedan osmijeh. U paketićima su osim čokolada, keksa, bombona, nalazi



se i voće i voćni sokovi. Nakon dječijeg posjetili su i ostale odjele zeničke bolnice i na neuropsihijatrijskom odjelu su pripremili bajramsku sofru.

Peti oktobar - Međunarodni dan prosvjetnih radnika

PROSVJETARI ZABRINUTI ZA SVOJA PRAVA

Peti oktobar obilježava se kao Međunarodni dan prosvjetnih radnika. Ovaj datum ove godine prosvjetari dočekuju zabrinutiji za svoja prava kao nikad ranije. Potvrđuje ovo u razgovoru za Superinfo predsjednik sindikata Osnovnog obrazovanja Zeničko-dobojskog kantona Selvedin Šatorović.

Superinfo Gospodine Šatorović, uoči Međunarodnog dana prosvjetnih radnika kažite nam u kakvom raspoloženju Vi i vaše kolege dočekujete ovaj značajan datum?

Šatorović: Peti oktobar ove godine je praznik koji će prosvjetni radnici dočekati sa zebnjom za svoja prava jer smo svjedoci da se u svim segmentima društva urušavaju radnička prava, da je novi Zakon o radu stupio na snagu ne sa namjerom da se poboljšaju radnička prava, već da se ista umanjuje i sve u svemu mogu kazati da generalno na nivou Federacije nismo rješili problem jedinstvenih plata, jedinstvene udžbeničke politike, jedinstvenih pedagoških standarda što smo imali obavezu, a imali smo jednu jako dobru priliku koja je na žalost u ljeto propuštena od strane Vlade Federacije BiH. Ako se baziramo na Zeničko-dobojski kanton onda ćemo kazati da imamo kvalitetno izrađene partnerske odnose sa Vladom na čelu sa premijerom Galijaševićem, da sve ono što je dogovoren redovno se isplaćuje, te da smo uspjeli dogovoriti isplatu naknade za korištenje godišnjeg odmora i sve što je dogovoren to je i ispunjeno. Moram reći da je više od 100 radnika koji su radili na određeno vrijeme dobilo ugovore o radu na neodređeno vrijeme i sasvim sigurno za njih je peti oktobar posebno svečan jer su konačno rješili svoju dugogodišnju agoniju i za onaj broj radnih mesta gdje su se desili prelasci iz škole u školu će biti raspisani konkursi tokom narednog mjeseca i taj dio ćemo uspješno popuniti.

Superinfo Šta se može učiniti po pitanju većeg zapošljavanja na neodređeno vrijeme, jer ova neizvjesnost po malo deprimira prosvjetne radnike?

Šatorović: Mi smo na neki načininicirali

ovo zapošljavanje. U startu je bila priča o 200 radnih mesta, ali evo ministarstvo je sa velikim oprezom ušlo u tu priču pa su odobrili 130. Ubjeđenja sam da ćemo u narednom periodu ovaj trend nastaviti. Ukoliko imate 800 pozicija koje se raspisuju na određeno vrijeme sasvim je logično da barem 600 popunite za stalno, a da ovih 200 ostavimo za situaciju gdje



može doći do manjeg broja upisanih učenika ili pojave tehnološkog viška. Mislim da je ovo prvi korak i da ćemo u narednoj godini krenuti još odlučnije i žeće i nezamislivo je da se jedno te isto radno mjesto raspisuje više godina na određeno vrijeme, a da se to ne popuni ugovorom o radu na neodređeno vrijeme. Tako da ćemo u tom segmentu doći do brojke od ukupno 600 radnih mesta u naredne dvije ili tri godine, a onda poslije toga ćemo znati koji broj ljudi će imati priliku da radi u prosvjeti, a svi ostali će morati pristupiti određenim programima za koje očekujem da će ih ministarstvo obrazovanja napraviti s ciljem prekvalifikacije i traženja sreće u nekom drugom poslu.

Superinfo Početak školske godine je iza nas, kako je prošla konkursna procedura?

Šatorović: Moramo biti ponosni na kriterije za prijem u osnovne i srednje

škole koje su se pokazale vrlo uspješne jer nismo imali niti jednu incidentnu situaciju. Moram pohvaliti i prosvjetnu inspekciju koja je bila više nego promtna u predupređenju bilo kakvih problematičnih situacija koje su dolazile iz određenih škola i da smo zajedničkim snagama sindikat, ministarstvo i prosvjetna inspekcija sve uspješno realizirali, te da nije bilo protesta ili incidentnih situacija, niti ne daj Bože ono što bi se dešavalo da nema tih kriterija, u ovom vremenu bilo bi fizičkih obračuna i možda težih posljedica.

Dokle se stiglo u procesu pregovaranja oko potpisivanja Superinfo kolektivnih ugovora?

Šatorović: Mi smo imali jedan sastanak sa predstvincima Vlade Federacije BiH. Sindikat je bio eksplicitan da pregovora oko umanjenja plata nema. Nama samo trebaju pregovori koji će vršiti ujednačavanje plata svih prosvjetnih radnika u Federaciji BiH i tu smo bili eksplicitni u svojim stavovima. Na žalost, očito da Vlada Federacije nije bila u stanju ispuniti zahtjeve sindikata i to je bio jedini sastanak. Postoje određeni kontakti i pregovori na nivou kantona i moram kazati da sa svim kantonalnim premijerima i ministrima u Federaciji imamo korektnе odnose.

Iz svega što smo do sada kazali kakavu poruku prosvjetnim radnicima možete Superinfo poslati?

Šatorović: Prosvjetni radnici osim što trebaju da rade svoj posao najbolje što mogu, ja ih pozivam da u duhu posljednjih dešavanja u BiH njeguju patriotski duh kod učenika i razvijaju ljubav prema jedinoj državi BiH i očekujem da ovi koje danas obrazujemo, a koji će sutra završiti škole i preuzeti upravljenje državom će to raditi puno bolje nego što to danas rade političari i sindikalci i svi koji se bave društvenim životom. Stanje općenito nije dobro i mi moramo sa svoje strane učiniti da naraštaji koji dolaze budu puno kvalitetniji nego što smo mi to danas.



1 Spahija
Kozlić



2 Amra
Muslić-Halilović



3 Mirsad
Čizmo



4 Emina
Tufekčić



5 Hamza
Alić



6 Enes
Mijatović



12 Husnija
Huseinspahić




13 Aida
Mahmutović



14 Ekrem
Čosić



18 Ema
Neslanović



19 Fahr-Frenki
Imamović



20 Esad
Jašarević



21 Sumeja
Šišman



26 Belma
Dedić



27 Fuad
Lužić



28 Amila
Jerković-Begagić



29 Senaid
Čolaković



30 Nijaz
Mujezinović

candidati

SDA



Mirna
Jatović



7 Sinanudin
Smriko



8 Mensur
Milak



9 Edina
Kos-Buric



10 Elvir
Puric



11 Lejla
Sarajlić-Fejzić



15 Abdulah
Mangić



16 Fatima
Karalić



17 Mugdim
Elezović



22 Amir
Smajlović



23 Sabina
Mekić



24 Selim
Karahasanović



25 Amel
Nežić



31 Miranda
Zukić



32 Hamid
Kovačević



33 Naida
Babić



34 Senad
Bašić



35 Almir
Dračo



Mutsopahić
načelnika

SVEČANA SJEDNICE OPĆINSKOG VIJEĆA MAGLAJ



Sub castro nostro Maglaj – Pod našom tvrđavom Maglaj, prvi je zapis čuvene, istoimene povelje ugarskog kralja Sigismunda Luksemburškog koja datira od 18. septembra 1408. godine. Od tada pa do danas prođe 608. godina postojanja ovog grada. Programa obilježavanja Dana Općine Maglaj počeo je polaganjem cvijeća na Spomen obilježje u Parku Ljiljana. Uz prisustvo predsjedavajućeg Općinskog vijeća, općinskog načelnika, vijećnica i vijećnika Općinskog vijeća Maglaj, zaposlenika općinske administracije, direktora javnih ustanova, te građana Maglaja, obilježena

je Svečana sjednica Općinskog vijeća Maglaj povodom Dana općine. Svečanost je svojim dolaskom uveličao premijer ZDK Miralem Galijašević. Kao i prethodnih godina, uručena su najveća općinska priznanja onima koji su ostavili neki trag i doprinijeli izgradnji društvene zajednice. Najveće priznanje „Grb Maglaja“ dobili su Arif Mujkanović, Benjamin Čičkušić i Rukometni klub Maglaj. „Maglajsku lenu“ – priznanje koje se dodjeljuje pojedincima zbog djelovanja kroz životni vijek i postali prepoznatljivi građani lokalne zajednice, ove godine dobili su posthumno dvojica ubijenih na najsvirepniji način Vejsil Husić

i Šaban Halilović, a plaketu koju je uručio Općinski načelnik Mehmed Mustabašić, preuzeo su njihova braća. Ovo priznanje je dobio i Asim Musaefendić, dugogodišnji profesor matematike, koji je svoj radni vijek posvetio odgoju mlađih ljudi. „Zahvalnica Maglaja“ ove godine ide u ruke Udrženju civilnih žrtava rata kao znak zahvalnosti građana ovoj neprofitnoj nevladinoj organizaciji zbog nesebičnog zalaganja rukovodstva i članstva, čineći ga danas najaktivnijim i najtransparentnijim udruženjem na nivou općine Maglaj. Nagradu je uručio Predsjedavajući OV Marko Zelić.

Zajednički
kandidat za
načelnika općine
Breza



MUNIB
ZAIMOVIĆ

Zdenko Kolak
Nositelj liste za
Gradsko vijeće **1**

Zenica je i moj grad !



NAGRAĐENI POSEBNO NADARENI STUDENTI

U sklopu manifestacije i programa obilježavanja 15. septembra - Dana općine Zavidovići, u Velikoj sali Općine, upriličen je prijem za 19 posebno nadarenih studenata i uručenje pismenih pohvala i novčanih nagrada. Ovom svečanom prijemu prisustvovali su općinski načelnik Suad Omerašević, ministar za obrazovanje, nauku, kulturu i sport ZDK Mensur Sinanović, pomoćnik načelnika za društvene djelatnosti i opću upravu Idriz Alihodžić, te posebno nadareni studenti. Ove godine je odobrano 19 studenata koji

su osim pismenih pohvala nagrađeni i sa novčanim sredstvima u iznosu od 400 KM. Općinski načelnik im je čestitao na postignutim rezultatima u dosadašnjem školovanju i zaželio im sreću i uspjeh u budućnosti. Nagrađeni studenti: Husić Admira, Alena Kahrimanović, Jelena Mačak, Adnan Fojnica, Aida Avdić, Selma Halilčević, Fatima Alihodžić, Adnan Krdžalić, Azra Halilović, Nerman Kovačević, Azra Frković, Zerina Krajnić, Dalila Mujarić, Fatima Mušinović, Edina Avdić, Medina Džebić i Emina Džaferović.

PRO-BUDUĆNOST RADIONICA U MAGLAJU

U Maglaju je nedavno održana radionica za petnaest PRO-Budućnost općina iz Ženičko-dobojskog, Tuzlanskog i Posavskog kantona/županije (FBiH) i općina Republike Srpske. Ovaj događaj je organiziran u okviru četverogodišnjeg projekta Američke agencije za međunarodni razvoj (USAID) „PRO-Budućnost“ čiji je cilj izgradnja pomirenja i povjerenja među građanima svih etničkih grupa u BiH, a koji se temelji na pretpostavci da izgradnja trajnog mira počinje otvaranjem iskrenog dijaloga, te razumijevanjem druge strane. Nakon okupljanja u Maglaju predstavnici PRO-Budućnost općina, zajedno sa predstvincima CRS-a BiH, predvođenih g-đom Majdom Behrem-Stojanov, direktoricom projekta „PRO-Budućnost“, su na SRC „Oaza mira“

Galovac održali poludnevnu radionicu pod nazivom „Naše znanje i iskustvo-most za novo prijateljstvo“. Maglaj i Doboj, kao najaktivniji PRO-Budućnost par (od 30 općina) u protekle dvije godine realizirali su čak 39 projekata čija je ukupna vrijednost 258.422,95 KM, a neki od novih projekata se upravo trebaju realizirati među kojima je i sanacija temelja i sokla te zasad čempresa na Gradskom groblju u Maglaju, sanacija objekta na ribarskoj stazi, Maglaj i drugo. Po završetku prezentacija projekata, sudionici radionice su dogovorili i nove, zajedničke projekte koje planiraju realizirati na području svih petnaest PRO-Budućnost općina, te i na taj način poslati snažnu poruku mira, zajedništva i prednosti multinacionalne suradnje.



FORMIRANO ODJELJENJE MUZIČKE ŠKOLE



JU Druga osnovna škola iz Zavidovića u ovoj školskoj godini formirala je jedno odjeljenje muzičke škole. To je paralelno odjeljenje gdje učenici pored redovne nastave koju pohađaju mogu uporedo pohađati i muzičku nastavu. Ovo je prvo odjeljene ovakvog tipa na području naše općine. Tim povodom ministar za obrazovanje, nauku, kulturu i sport ZDK Mensur Sinanović, općinski načelnik Suad Omerašević i pomoćnik općinskog načelnika Službe za društvene djelatnosti Idriz Alihodžić posjetili su direktora Druge osnovne škole i uručili mu poklon kao znak podrške za formiranje ovakvog odjeljenja. Općina Zavidovići je učestvovala u nabavci jednog od najskupljih instrumenata, električnog klavira koji je neophodan za realizovanje muzičke nastave.

DRUŠTVO PEDAGOGA



U prostorijama Općine Maglaj, Općinski načelnik Mehmed Mustabašić ugostio je članove Društva pedagoga fizičke kulture, direktore srednjih i osnovnih škola. To je bila prilika da ugodno razgovaraju o budućim planovima, ali i da se pohvali ideja o biciklističkom defileu, koji se organizovao u sklopu podrške manifestaciji „Septembarski dani otpora 92-95“. Općinski načelnik je rekao kako se ovakve ideje trebaju nastaviti realizovati i samim time motivisati učenike da se angažuju u obilježavanju ovako značajnih datuma.

PROJEKTI U KAKNJU



U toku su radovi na sanaciji saobraćajnice kroz Karaulsko Polje. U vrijeme izvođenja radova saobraćaj će se odvijati naizmjenično jednom trakom. Idejno rješenje saobraćajnice kroz Karaulsko Polje predstavljeno je u uredu načelnika Nermina Mandre mještanim u ovog naselja u maju tekuće godine, nakon čega je uslijedila izrada projekta i tenderska procedura izbora izvođača radova. U toku je i rekonstrukcija puta Kondžilo-Dom u dužini od 257 m. Vrijednost radova iznosi 139.845,67 KM. Izgrađena je prva kampada potpornog zida. Ukupno je predviđena izgradnja 125 m potpornog zida. Tokom radova su mogući kratkotrajni prekidi odvijanja saobraćaja. Radove finansira Općina Kakanj. Također su u toku i radovi na izgradnji parkinga kod Osnovne škole "Mula Mustafa Bašeskić". Ukupna vrijednost radova je oko 32.720,00 KM. Radove finansira Općina Kakanj.

TEŠANJKA

Završeni su radovi na izradi kamene obaloutvrde i mašinskom čišćenju i uređenju dijela korita rijeke Tešanjke u MZ Tešanjka, a sve u cilju provođenja preventivnih mjera zaštite od poplava, zaštite dalje erozije poljoprivrednog zemljišta i boljeg protoka. Ove preventive mјere su rađene prema ciljevima iz strateških dokumenata za 2016. godinu. Izvođač radova je bila firma Transkop d.o.o. Jelah, Tešanj.



ČETIRI STIPENDIJE FONDACIJE HASTOR

U Varešu su nedavno potpisani ugovori za stipendiranje između Fondacije Hastor iz Sarajeva i četiri korisnika s područja općine Vareš. Fondacija Hastor, kakojavlja Radio Bobovac, vrši stipendiranje učenika osnovnih i srednjih škola koji su u teškom socio-ekonomskom stanju. Natječaj za stipendiranje otvoren je tijekom cijele godine, a na natječaj se mogu prijaviti svi učenici kojima je ovakav vid pomoći potreban. Jedan od uvjeta za dobivanje stipendije je dobro vladanje i što bolji uspjeh u školi, te volontiranje u ustanovama ili



organizacijama. Isplata stipendija vrši se putem pošte, a riječ je o iznosu od 100 KM za učenike osnovnih i 150 KM za učenike srednjih škola. Korisnici stipendija dužni su redovno dostavljati Fondaciji informaciju o uspjehu i ocjenama, a predstavnici Fondacije povremeno obilaze korisnike da bi se uvjerili u stvarno stanje svojih stipendista. Fondacija Hastor trenutno ima oko 1300 stipendista.

DANI POLJA KUKRUZA




U kakanjskom naselju Bijele Vode realizovana je manifestacija "Dani polja kukuruza" čiji su organizatori bili Udruženje uzgajivača krupne i sitne stoke "Farmeri" Kakanj i zagrebačka firma "Pioneer sjeme" - vodeća kuća u svijetu koja se bavi proizvodnjom sjemenskog kukuruza, dok je Općina Kakanj bila pokrovitelj. U okviru ove manifestacije, promotor firme "Pioneer sjeme" Zagreb, Kakanjac Emir Husika, prezentirao je prisutnima novu generaciju hibrida kukuruza. Prisutnima na manifestaciji obratili su se ministar poljoprivrede,

šumarstva i vodoprivrede ZDK Himzo Smajić, načelnik Općine Kakanj Nermin Mandra, predsjednik Udruženja "Farmeri" Almir Trakić i predsjednik Saveza poljoprivrednih udruženja "Kakanjska poljoprivreda-KAP" Nermin Marušić. Nakon prezentacije i obraćanja, upriličen je i obilazak parcele zasijane kukuruzom. Među brojnim gostima, manifestaciji su prisustvovali i kantonalni ministar za pravosuđe i upravu Mirnes Bašić, predstavnici Veterinarske stanice Kakanj, predstavnici Službe za privredu Općine Kakanj, farmeri i drugi.

IZVEDBA KANALIZACIONOG SISTEMA

Projekat „Izvedba kanalizacijskog sustava Žabljak, Općina Usora“ kojim je aplicirano na Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2016. godinu, ocijenjen je pozitivno od strane Upravnog odbora Fonda za zaštitu okoliša Federacije BiH. Na osnovu toga za ovaj projekat odobreno je sufinansiranje aktivnosti na realizaciji projekta u iznosu do 300.000 KM.



EKO FORUM ZENICA

Prije nekoliko dana navršilo se tačno godinu dana od kako su predstavnici udrženja Eko forum iz Zenice podnijeli krivične prijave Tužilaštvo Zeničko-dobojskog kantona protiv ArcelorMittala zbog zagađivanja životne sredine, odnosno Tužilaštvo Kantona Sarajevo protiv bivše ministricе okoliša u Vladi Federacije, te direktora za Inspekcijeske poslove Federacije BIH zbog nesavjesnog rada u službi. Predsjednik Eko foruma Samir Lemeš kaže da su u proteklom periodu dva puta slali urgenciju pomenutim Tužilaštima. Još uvijek nismo dobili informaciju da li su naše prijave prihvачene i proslijeđene nadležnim sudovima na postupanje ili su odbačene kao neosnovane – kaže Lemeš. U međuvremenu su u Eko forumu saznali da su domaća jaja u okolini željezare zagađena postojanim



organским polutantima. Također, broj zeničana obilježenih od raka je u porastu i prosjek broja oboljelih je veći od prosjeka kantona i od prosjeka Federacije, te da su zemljište, biljni materijal i mlijeko sa ovog područja zagađeni teškim metalima – kazao je Lemeš. Eko forum će i dalje nastaviti s pritiskom na nadležne institucije da počnu raditi svoj posao, te na korporaciju ArcelorMittal da relizuje investicije u zaštitu okoliša, ali i na građane da ne odustaju od borbe za pravdu i za vlastito zdravlje.

REKONSTUKCIJA TRGA



Započela je rekonstrukcija Trga Džemala Bijedića koja je predviđena Programom kapitalnih ulaganja u infrastrukturu iz Budžeta Općine Visoko za 2016.godinu. Postupkom javne nabavke za izvođača radova odabrano je privredno društvo „Vizija“ d.o.o. Visoko, a ugovorena vrijednost radova je 28.601,70 KM sa PDV-om. Nadzor nad izvođenjem radova vršit će firma „ArtingBH“ d.o.o. Sarajevo, a ispitivanje terena vršit će Laboratoriјa za ispitivanje građevinskih materijala i konstrukcija „DTQ“ d.o.o. Sarajevo. Projektom je predviđena ugradnja novih granitnih štokovanih ploča d=3 cm i granitnih ivičnjaka.

Novootvoren Spa centar koji se nalazi unutar turističkog kompleksa ČARDACI oaza je mira i relaksacije u kojem na harmoničan i prirođan način možete opustiti i regenerirati tijelo i um. Intima i sklad sadržaja Spa centra uključuje:


- FINSKU (SUHU) SAUNU,
- TURSKU (PARNU) SAUNU,
- ZONU ZA OPUŠTANJE I
- HIDROMASAŽNI BAZEN SA SLANOM VODOM.



Pored Spa centra na raspolaganju vam stope i 2 slane pećine obložene himalajskom solju. Potrudili smo se da vam priuštimo neponovljiv doživljaj prirodnih slanih pećina.



Spa Čardaci



Čardaci d.o.o.

PC 96/2 | 72250 Vitez

Tel.: +387 30 710-458

Fax: +387 30 718-720

Email: info@cardaci.ba

www.cardaci.ba

UGOVOR ZA FAZU III VODOVODA



U skladu sa Programom kapitalnih investicija koje je usvojilo Općinsko vijeće za 2016. godinu, sredinom septembra općinski načelnik Mato Zovko i direktor poduzeća „Tadić cop“ Pero Tadić potpisali su Ugovor o izvođenju radova na snabdijevanju vodom naselja MZ Lug-Brankovići, MZ Donja Ozimica i Goliješnica, faza III čija je vrijednost 97.700,70 KM. Također je istog dana potписан i Ugovor o izvođenju radova na uređenju rezervoara za vodu 2x200 m² sa svim priključcima na lokalitetu „Ostrožnjak“ MZ Begov Han u ukupnom iznosu od 117.677,30 KM, time bi rezervoar bio u potpunosti završen. Sredstva po ovim Ugovorima osigurana su u skladu sa Programom utroška sredstava vodnih naknada za 2016. godinu Ministarstva za poljoprivredu, šumarstvo i vodoprivredu ZDK.

PUT

Sredinom septembra otvaren je put u MZ Ljubatovići u Žepču u dužini od 800 metara. Put su zvanično pustili u promet općinski načelnik Mato Zovko, federalni ministar prostornog uređenja Josip Martić i predsjednik Vijeća MZ Ljubatovići Ivica Jurišić zajedno sa mještanima. Put je urađen prema Programu Kapitalnih investicija usvojenom od strane Općinskog vijeća Žepče za 2016. godinu. Financiranje izvođenja radova izvršeno je prema Ugovoru o sufinanciraju između Federalnog ministarstva prostornog uređenja i Općine Žepče u omjeru 60.000 KM Ministarstvo i 10.000 KM Općina Žepče.



UGOVORI O DODJELI PLASTENIKA

Cilj projekta podrške plasteničke proizvodnje Muslim Aid-a je pomoći u ekonomskom oporavku općine Zavidovići i pomoći porodicima u stanju socijalne potrebe, te uspostavljanje poljoprivrednog poduzetništva. Ovaj Projekat podrazumjeva i provođenje dvodnevne obuke za porodice koje su izabrane na osnovu Javnog poziva, kako bi stekli vještine i znanja potrebne za plasteničku proizvodnju. Dodjeljeno je 20 plastenika površine 100 m² u trajno vlasništvo, sa potrebnom opremom za navodnjavanje



kap po kap. Pravo učešća u ovom projektu imale su nezaposlene osobe sa područja općine Zavidovići koja posjeduju vlastito zemljište pogodno za postavljanje plastenika i uzgoj povrća, u blizini svog stambenog objekta u kojem stanuju. Nakon provedenog Javnog poziva i bodovanja pristiglih zahtjeva odabrana su lica koja su dobila plastenike. U Velikoj Sali općine Zavidovići su potpisani i Ugovori između odabralih korisnika, Muslim Aid-a i Općine Zavidovići.

DANI ORGANSKE PROIZVODNJE

U Visokom je održan izložbeno - prodajni sajam „Dani organske proizvodnje“. Organizator sajma je bio Savez udruženja organskih proizvođača Federacije BiH, a pokrovitelj manifestacije Općina Visoko. Učesnici na sajmu su bili proizvođači organskih proizvoda koji su načelnici Amri Babić uručili „Zlatnu korpu organskih proizvoda“. Savez udruženja proizvođača Federacije BiH (Organsko FBiH) svojim radom i postojanjem desetu godinu upoznaje javnost o značaju



razvoja održive organske proizvodnje i potrebi konzumacije organskih proizvoda o kojoj je svijest u razvijenim zemljama daleko više izgrađena.

VODOOPSKRBNA MREŽA

Na lokaciji "Duboki potok" u toku su radovi na izgradnji novog vodocirpilišnog bunara, dubine 57,5 metara i promjera 620 mm, koji će se integrirati u vodoopskrbni sustav kojim upravlja "JKP USORA" d.o.o. Sivša Usora. Prema probnoj bušotini, koja je urađena u ranijoj fazi, očekivana izdašnost bunara je tri litre u sekundi. Izgradnjom ovog bunara prestati će potreba za crpljenjem vode iz bunareva "Bare" nedaleko od korita rijeke Usore, koji će se koristiti



kao rezerva u slučajevima ekstremne potrošnje. Vrijednost ugovorenih radova je 93.542,09 KM.

TEMELJI ZA ŠKOLSKU SALU

U toku su pripremni radovi na izgradnji temelja školske sale u MZ Miljanovci. Izvođač radova je Konzorcij Tans-putevi d.o.o. Dobojs Jug i Špic beton d.o.o. Zenica. Nadzor nad izvođenjem radova vrši firma M-DŽ d.o.o. Tešanj.





INSTITUT ZA ZDRAVLJE I SIGURNOST HRANE

Fra Ivana Jukića 2, 72 000 Zenica, Bosna i Hercegovina
tel: 38732 448-001, www.inz.ba

REALIZACIJA PROJEKTA PROMOCIJE OČNOG ZDRAVLJA „E“

U mjesecu septembru Služba za školsku higijenu Instituta za zdravljie i sigurnost hrane Zenica u saradnji sa „Dobrotvornom organizacijom svetaca posljednjih dana“ iz SAD-a provodila je projekat pod nazivom Promocija očnog zdravlja „E“, čiji je osnovni cilj da građani svih starosnih skupina samostalno i orientaciono provjere svoj vid na određenoj lokaciji u gradu, po mogućnosti na mjestu najvećeg okupljanja u strogom centru grada.

Cilj je da građani u što kraćem roku i na brz, jednostavan i efikasan način samostalno uoče probleme sa vidom ukoliko postoje, te se u tom slučaju jave u nadležnu zdravstvenu ustanovu radi daljeg tretmana. U svakoj općini Zeničko-dobojskog kantona izabrana je po jedna ili više lokacija na kojima su postavljene table za samokontrolu vida sa uputstvom i smjernicama za korištenje.



Na udaljenosti od 3 m postavljena je tabla sa slovima tačno određenog promjera predviđenim za tačno određenu udaljenost. Na mjestu predviđenom za gledanje i ispitivanje vida postavljena je oznaka i smjernice za korištenje (npr.: *Prekriti jedno oko i pogledati slova. Da li jasno vidite slova na ovoj udaljenosti? Ako ne, javite se u nadležnu zdravstvenu ustanovu. Isto ponoviti i sa drugim okom.*)



Ovom prilikom se zahvaljujemo našim partnerima na saradnji, razumijevanju i ustupljenom prostoru prilikom realizacije ovog društveno korisnog projekta, te se nadamo da će ovaj način promocije zdravlja dati doprinos u razvoju svijesti građana o potrebi očuvanja i zaštiti vlastitog zdravlja i istaći značaj samopregleda s ciljem prevencije. Na prijedlog Ministra za obrazovanje, nauku, kulturu i sport Zeničko-dobojskog kantona gđin. Mensura Sinanovića, u narednom periodu table za samoprovjeru vida planiraju se postaviti u svim osnovnim i srednjim školama, te na fakultetima na području Zeničko-dobojskog kantona.

Lokacije na kojima možete provjeriti svoj vid su sljedeće:

- **Općina Breza:** Dom zdravlja Breza,
- **Općina Doboј Jug:** šalter sala općine Doboј Jug,
- **Općina Kakanj:** SC „Robot“,
- **Općina Maglaj:** Opća biblioteka Maglaj,
- **Općina Olovo:** Dom zdravlja Olovo,
- **Općina Tešanj:** Autobuska stanica Tešanj, SC „Jelah“,
- **Općina Usora:** Dom zdravlja Usora,
- **Općina Vareš:** šalter sala općine Vareš,
- **Općina Visoko:** Dom zdravlja Visoko,
- **Općina Zavidovići:** Dom kulture Zavidovići,
- **Općina Zenica:** Autobuska stanica Zenica, Bosansko narodno pozorište Zenica, Opća biblioteka Zenica, SC „City“,
- **Općina Žepče:** Autobusni kolodvor Žepče, SC „Libertas“.

Služba za školsku higijenu Instituta za zdravje i sigurnost hrane Zenica



SAJAM ZDRAVLJA MLADIH

U Travniku je održan tradicionalni Sajam zdravlja mladih koji je organizovala Asocijacija Organsko u Federaciji BiH i Općina Travnik. Ovaj sajam organizuje se u Travniku svake jeseni već osam godina, a idejni tvorac sajma prim.dr. Amira Skaka, specijalista pedijatar i šefica Pedijatrijskog odjela u Domu zdravlja u Travniku, naglašava kako je i prije osam godina i sada na umu imala nekoliko stvari: zdravu ishranu za najmlađe što je preduslov zdravog odrastanja i mogućnost da se kroz proizvodnju organske i zdrave hrane zapošle mlađi ljudi. To je ideja od početka moga rada, a radim već 37 godina, smatrajući da preventivnim djelovanjem možemo uticati na zdrav organizam i mlade ljude.

Kada kažemo organsko mislimo na nešto skupo, a ja smatram da to treba da bude pristupačno za sve. Pored ovog zdravstvenog preventivnog efekta smatra da možemo proizvoditi hranu. – kazala je prim.dr. Skaka. Na otvaranju sajma zdravlja mladih prisutnima su se obratili Sejad herceg, predsjednik Asocijacije Organsko u Federaciji BiH, te načelnik općine Travnik, Admir Hadžiemrić. Ove godine na sajmu se predstavilo 25 organskih proizvođača, a među njima bili su proizvođači voća i povrća, ali proizvođači meda i ljekovitog bilja. Na štandovima su se mogli pronaći i herbalni proizvodi, kao i razne rukotvorine. Sajam su na otvaranju posjetili najmlađi Travničani, djeca iz JU „Obdanište“ Travnik.

**13.
Rodendan
CM**

13. GODINA POVIJERENJA

TOP SHOP DORITHEO DELUXE WALKMAXX ROVUS wellneo

Puno je razloga za slavlje...

13.-ti rođandan cm-a predstavlja veselje svima uz posebnu rodendansku ponudu kroz 10. i 11 mjesec, **-10%** na ukupnu kupovinu, poklone za kupce, **GRATIS KUPOVINE** u svim cm poslovnicama, darivanje cm facebook fanova...

Broj trinaest je naš srećan broj!

pratite nas na:



H2O X2 čistač na paru

Snažno čišćenje bez hemikalija!

- 2 u 1: čistač na paru za pod i tepihe
- Lagan i jednostavan za manevriranje
- Eko loški neškodljiv – bez hemikalija, samo voda
- Para se brzo zagrijava i uređaj je spreman u samo par sekundi
- Savršeno čisti laminat, pločice, vinil, mramor ili granit i drvo

Jednostavno do
čistog doma!



Ispuštanje pare
Bez ispuštanja pare



PONUDA ZA 20. GODIŠNJICU
-40KM

179,90KM (139,90KM)

Garancija: 12 mjeseci

Količine su ograničene zato pozovite odmah!

((033 721 046))



MI SMO ONI NA KOJE SU NAS RODITELJI UPOZORAVALI

Višestruko nagrađivana predstava Bosanskog narodnog pozorišta Zenica, glumački i rediteljski uredak Mirjane Karanović, „Mi smo oni na koje su nas roditelji upozoravali“ odigrana je 13. septembra u okviru glavnog takmičarskog programa na Festivalu internacionalnog alternativnog teatra (FIAT) u Podgorici. Predstava je imala svoju premijernu izvedbu, u Bosanskom narodnom pozorištu, 25. februara, u okviru obilježavanja 66. rođendana BNP-a i od tada je osvojila pet prestižnih festivalskih nagrada. Ova predstava je dvostruko nagrađena na 61. Sterijinom pozorju, a na 15. festivalu bh. drame je nagrađena u više kategorija, i to nagrada Tanji Šljivar za najbolji dramski tekst,

nagrada Enesu Salkoviću za najboljeg mladog glumca i nagrada Mirjani Karanović za najbolje glumačko ostvarenje. U narednom periodu predstavu Mi smo oni na koje su nas roditelji upozoravali očekuju nova značajna gostovanja i učešća na međunarodnim festivalima u Banjoj Luci, Zagrebu i Sarajevu. U predstavi pored Mirjane Karanović, igra mlađi višestruko nagrađivani glumac Enes Salković, član ansambla BNP-a. Ostatak umjetničke ekipе predstave čine Sabina Trnka, koja potpisuje kostimografiju i scenografiju, autor muzike je Draško Adžić, saradnica za scenski pokret je Sonja Vukičević, a asistent režije je Emin Hajrić.

"IZ DUŠE" FADILE AMIDŽIĆ

Iz duše, naziv je druge samostalne izložbe Zeničanke sa austrijskom adresom, Fadile Amidžić koja je postavljena u sarajevskom Međunarodnom centru za djecu i omladinu. - Fadila je prošla likovne škole značajnih majstora kista, ali je vješt i kad treba sačuvava draž onog naivnog poteza i time dala pečat svom bogatom likovnom rukopisu. Fadilu nije potrebno poznavati, jer njena djela govore da se radi o riznici emocija, širokoj duši i srcu koje ima snage nositi se sa svim izazovima, koji joj se nametnu, a da pri tome nosi ponos svog odgoja i toplinu bosanske duše osmijehom. Fadila čini ponosnom armiju neprofesionalnih tradicijskih majstora, koji moraju biti počašćeni što je jedan od raskošnih cvjetova te prelijepo likovne bašte, kazala je o Fadilinim slikama Brigita Krunić, predsjednica Palete Čulhan koja je zajedno sa Međunarodnim centrom za djecu i omladinu organizator izložbe.



MUZEJ OLOVO

Muzej općine Olovа svakodnevno bilježi nove posjete,javlja Radio Olovа. Muzej posjećuju ljudi svih generacija,među kojima je najveći broj mlađih. Koliki značaj Muzej ima za sve stanovnike općine Olovа ali i bogatiju turističku ponudu govori i knjiga utisaka u kojoj su uglavnom zabilježene pohvale i prijedlozi za unapređenje rada Muzeja, na čemu će se svakako raditi narednih mjeseci. Muzej Olovа je otvoren od 8 do 16 sati svakog radnog dana.



ART SIMPOZIJUM

Na Vlašiću je održan 6. Art simpozijum kojeg organizuje „Domprojekt“ iz Travnika, a ove godine okupio je 10 umjetnika iz BiH i Hrvatske koji su stvarali u prekrasnom ambijentu planine Vlašić. Ovu aktivnost već šest godina realizuje porodica Ibršimbegović u kojoj su tri arhitekta Mirsad, Senad i Senka uz podršku prijatelja, slikara i dizajnera Ratka Lješića. Na početku smo imali za cilj da Vlašić poznat kao sportsko-rekreacioni centar dobije jedan novi kvalitet i da bude prepoznat u BiH i u široj regiji i po umjetnosti. Sa tom idejom smo krenuli u prvo izdanje Art simpozijuma. Šesto izdanje Art simpozija dokaz je i da smo uspjeli. Nadam se da ćemo narednih godina proširiti listu učensika na više država, a ne samo na države regije. Želja nam je da na desetu godišnjicu imamo koloniju sa učesnicima sa drugih kontinenata jer postoji interes akademskih umjetnika iz Australije i Sjedinjenih država. – kazao nam je Mirsad Ibršimbegović, organizator Art simpozija.



10. KOLO BH TELECOM NOGOMETNE PREMIJER LIGE



Nogometni Čelika doživjeli su novi poraz na domaćem terenu. U okviru 10.kola BH Telecom Premijer lige na Bilinom polju slavila je ekipa Krupe sa 2:1. Ovim porazom dodatno je produbljena rezultatska kriza u Čeliku. Ekipa Mladosti iz Doboja kod Kaknja doživjela je prvi poraz u sezoni. Poraženi su u Mostaru od Zrinjskog sa 2:1. Vitežani su bili malo bolje sreće od kolega iz Čelika i Mladosti. Oni su na svom terenu igrali sa posljednjeplasiranim ekipom do ovog kola Olimpicom, a rezultat je na kraju glasio 0:0. Nogometni Metalleghe također, su doživjeli novi poraz. Ovaj put izgubili su na Grbavici od Željezničara 2:1. Na kraju kada se sumira kolo nogometne premijer lige možemo zaključiti da prelijerligaši iz centralne Bosne nisu imali uspješan vikend.

SEMINAR KOŠARKAŠKIH SUDIJA

U Zenici je u organizaciji Sudijske komisije Košarkaškog saveza Zenica održan seminar sudija i komesara Sistema "A" za rangove takmičenja Prvenstvo BiH, A1 i A2 liga. Seminaru je prisustvovalo 103 službena lica (71 sudija i 32 komesara). U okviru seminara izvršene su pismene provjere poznavanja Pravila košarkaške igre, kao i fizičke spreme sudija. Teme na seminaru su organizovane tako da pokriju sve aspekte modernog suđenja, počevši od tehnike i mehanike suđenja, preko fizičke do psihološke pripreme sudija. Na seminara su bili i eminentni gosti predavači Dubravka Martinović i Josip Pandža.



CRVENA ZVEZDA POBJEDNIK 7. MEMORIJALA AMNA FAZLIĆ

Košarkašice Crvene Zvezde iz Beograda pobednice su 7.međunarodnog memorijalnog turnira „Amna Fazlić“ koji se održao u Areni Zenica. One su u finalu savladale ekipu Čelika sa 77:63. Najefikasnije u pobjedničkom timu bile su Bogićević sa 20, Đorđević sa 14 koliko je ubacila i Katanić. U poraženoj ekipi najefikasnije su bile Iriškić sa 18 i Kovačević sa 14 poena. U utakmici za treće mjesto Medveščak iz Zagreba savladao je dubrovačku Ragusu 74:42. Svim učesnicima turnira dodjeljene su medalje, te pehar pobjedničkoj ekipi. Poklon i pehar za igračicu koja svojim stilom igre najviše podsjeća na rahmetli Amnu dobila je košarkašica Crvene Zvezde Milica Bojović. Kao uvertira

utakmicama za plasman održan je festival dječije košarke na kojem su učestvovale četiri ekipe. U finalnom meču košarkašice BH Starta su slavile protiv Željezničara 40:33 i tako osvojile titulu najbolje ekipe na festivalu dječije košarke. Podsjetimo, turnir se igrao u znak sjećanja za tragično preminulu košarkašicu Čelika Amnu Fazlić koja je 2010.godine sa nepunih 18 godina tragično izgubila život.



1. „PHARMAMED TRAVNIK NOĆNA UTRKA“



Srđan Samardžić i Jelena Kosić pobjednici su prve „Pharmamed Travnik noćne utrke“ koja je održana u Travniku u organizaciji Centra za edukaciju mladih (CEM). Banjalučanin Srđan Samardžić pretrčao je stazu dugu pet kilometara za nešto više od 15 minuta i bio je najbrži u muškoj konkurenciji, dok je u ženskoj konkurenciji najbrža bila Jelena Kosić. Na utrci je nastupilo oko 500 učesnika iz više bosanskohercegovačkih gradova, a među njima su bili atletičari iz Banja Luke i Sarajeva, ali i veliki broj rekreativaca i cijelih porodica koje su nastupile na ovom lijepom događaju.

Start i cilj bili su ispred Zavičajnog muzeja , a trčalo magistralnim putem M-5 i Alejom do PS Borac i nakon toga Bosanskom ulicom do cilja. Utrka je imala za cilj promociju zdravih stilova života, bez alkohola, droga i duhanskih prerađevina, što je jedna od ključnih aktivnosti CEM-a, te promociju trčanja kao sve popularnijeg vida rekreacije u BiH, – kazali su organizatori koji su na vrhunskom nivou priredili ovaj događaj. Događaj je pored velikog broja učesnika na gradske ulice izmamio i veliki broj gledalaca.

IVO IŠTUK, NOVI TRENER ČELIKA

Ivo Ištuk, 63-godišnji Livnjak s visočkom adresom, novi je trener Čelika koji će po treći put voditi crveno-crne. Prethodno je vodio zeničkog premijerligaša u sezoni 2007/08, te 2009. godine, a nakon toga kratko je bio i sportski direktor kluba.

Ištuk je zadnji trenerski posao u BiH imao u Slogi iz Ljubuškog. - Ne znam kako su se mene sjetili, već sam se bio udaljio iz bh. nogometu što se tiče rada. Mislio sam da su me svi zaboravili. Ljudi su me pozvali u nedjelju uveče. Ja trebam Čeliku, a i Čelik treba meni da se vratim u bh. nogomet, - kazao je na predstavljanju na Bilinom polju Ivo Ištuk. Ovaj trenerski stručnjak je rekao da je situacija sada slična kao onoj kada je dolazio prvi put, a da je kod njega razlika u tome da je deset godina stariji te da je obrijao brkove. - Razmišljam sam o tome šta bih vam mogao reći na predstavljanju, što već nisam rekao.

KAKANJ NA OTVARANJU U HADŽIĆIMA



Košarkaši Kaknja voljom žrijeba u prvom kolu Prvestva BiH koje se igra 22. oktobra gostuje u Hadžićima kod ekipe KK Bošnjak. Ove godine u muškoj konkurenciji u prvenstvu će se takmičiti 10 klubova – Liga 10, nakon čega će se igrati Liga za prvaka i Liga za opstanak.

PRVENSTVO BIH U POLUMARATONU

U Sarajevu je nedavno održano Prvenstvo Bosne i Hercegovine u polumaratonu. Takmičenje je održano u okviru Sarajevskog "Coca-Cola Polumaratona 2016". Na pomenutom takmičenju našao se i zenički atletičar Faris Kobilica koji je dionicu polumaratona istračao 1:23.35 te zauzeo ukupno 20. mjesto od više od 1.000 takmičara. U okviru Prvenstva BiH bio je četvrti, a u okviru Prvenstva FBiH zauzeo je treće mjesto. Kako je Farisu, koji je još uvijek junior, ovaj polumaraton prvi u njegovoј dvogodišnjoj atletskoj karijeri, po kazivanju njegovog trenera Aziza Kevelja, to se može smatrati veoma dobrim premijernim nastupom na dužim stazama, pogotovo što Faris do sada nije trčao trke duže od pet kilometara. Isti dan



Odlučio sam se da ponovim nešto što sam rekao prije deset godina za ovim stolom da je Čelik u situaciji koja nije na nivou ovog kluba. Nije nikakva floskula, ali meni je, kao i tada, čast što sam trener Čelika, jer Čelik je bh. brend. Stanje na tabeli, stanje u igrackom kadru, na terenu, pa i stanje u publici i stanje u gradu govori da situacija nije idealna. Nećemo se predati i pokušaćemo sakupiti što više bodova, kako ne bismo zaostali za konkurentima u borbi za opstanak. Svjestan sam da će najveći problem sa ovim igrackim kadrom biti realizacija, zato ćemo vjerovatno i mijenjati stil igre, objasnio je Ištuk.

PERUN OPEN AIR



Selo Planinica bilo je domaćin takmičenja u preciznom slijetanju paraglaviderom. Nastupilo je 21 takmičar iz raznih krajeva Bosne i Hercegovine i Srbije. Organizator je bio Klub ekstremnih sportova Perun-Va iz Vareša. Sudija je bio Veljko Mastilo koji ima dugogodišnje iskustvo u letenju paraglaviderom. Nakon tri leta prvo mjesto osvojio je Mirvad Zenuni s rezultatom 302 cm, drugo mjesto Fikret Kadrić s rezultatom 501 cm i treće mjesto Ivan Pavla s rezultatom 509 cm.

BRONZANI U HRVATSKOJ




U ostalim susretima prvog kola sastaju se: Široki – Sloboda, Zrinjski – Swisllion Leotar, Mladost – Građanski i Spars – Bosna Royal. U drugom kolu Kakanj dočekuje Bosnu Royal, u trećem gostuje kod Širokog, a u četvrtom kolu igraju u Kaknju sa Građanskim iz Bijeljine.

u Čitluku je održan tradicionalni festival atletike "Dani berbe grožda" na kojem je nastupilo nekoliko zeničkih atletičara predvođeni trenerima Krehmićem i Ubiparipom. Prva mjesta (svako u svojoj kategoriji) su osvojili: Adrijan Dujak - 50 m, Hećo Sedin - troškok, Maid Redžić - vis, druga mjesta pripala su: Emiru Hrnjadoviću - dalj, i Sedinu Heći - dalj, dok su zapažene nastupe imali: Bakir Pervan, Hana Džumhur i Irna Kapković. Posebno se po vrijednosti ističe rezultat Maida Redžića koji je preskočivši 1.95 m postavio novi lični rezultat uz napomenu da je ovaj atletičar, još uvijek, mlađi junior za koga atletski stručnjaci, naročito njegov trener Krehmić, kažu da je velika nada BH skoka u vis.

U Hrvatskoj je nedavno održan 17. Taekwondo turnir "Korčula Open" na kojem je učestvovalo 430 takmičara iz šest država. I ove godine na takmičenju je učestvovala i Taekwondo Akademija Olovo sa tri takmičara, a vratili su se u svoj grad sa medaljama, javila Radio Olovo. Osvojili su dvije bronzone medalje. Timur Sadiković je na svom prvom takmičenju osvojio treće mjesto, kao i Majra Hadžabdić dok je Emina Abazović ovaj put ostala bez medalje. Kao predstavnica Taekwondo kluba "Sarajevo" nastupila je nekadašnja članica Taekwondo Akademije Olovo, Fatima Bjelić koja je za svoj novi klub osvojila zlatnu medalju, te je proglašena najboljom seniorkom turnira.

kristal®

Vaš svijet stakla



BOCE KRISTAL

Staklo ima izvrsna svojstva te se uspješno nametnulo kao ambalažni materijal u području pića i prehrane.

Higijenski je čisto i sigurno što odgovara svim zahtjevima o kvaliteti proizvoda.

Staklo je nepropusno, zadržava okus i nepromijenjenu aromu.

Primjereno je za individualno i ekonomično pakiranje visoko kvalitetnih pića.

U našoj maloprodaji možete pronaći velik izbor različitih boca, čepova i staklenki.

Kristal također nudi oslikavanje boca motivima koje ste Vi zamislili. Staklena boca može postati jedinstven poklon za bilo koji događaj u Vašem životu.

info@kristal.eu
www.kristal.eu

Poslovni centar 96
72250 Vitez BiH
T +387 30 717 733
F +387 30 713 111